



Sakspapir

Sakshandsamar	Arkiv	ArkivsakID
Nadine Gutte-Preusse	FA-H12	21/458

Saksnr	Utval	Type	Dato
082/21	Formannskapet	PS	20.10.2021
067/21	Kommunestyret	PS	28.10.2021

Midlar til innkjøp og utstyr på sjukeheimen

Saksutgreiing:

Saksopplysningar

Behov for oppdatering av utstyr og inventar på ØHD- rom og på sjukeheimen.

1. I samheng med ombygging på sjukeheimen som følgje av at legetenesta vert omorganisert er det behov for oppdatert utstyr og tilpassing av inventar etter ombygging. ØHD-rommet treng møblar, til dømes seng, bord og stolar for pasient og tilsette. Den medisinske lista vert oppdatert når dei nye legane startar i arbeidet.
2. Det tidlegare kontoret til pleie- og omsorgsleiar vert ombygd til ein kombinert medisinrom og laboratorium. For drift av laboratorium er det strenge krav til oppbevaring/skap, som må kunne låsast. I tillegg til skap, må me ha hyller og heve-senk skrivebord med stol som er godt eigna for ulike personar som nyttar rommet.
3. I underetasjen på sjukeheimen (gamle tannlegekontoret) er det to rom. Det eine er det nye kontoret til pleie- og omsorgsleiar, og det andre er ønske å nytte som møterom/overlapping når legane går på og av vakt. I dag er rommet umøblert og er ikkje digitalt utstyrt. Dette rommet må møblerast til møterom.
4. Det er fleire av dei brukarrelaterte romma som har utstyr som er utbrukt, til dømes senger. Dei har vert i bruk i mange år, og bør bytast ut. I tillegg er det behov for nye hyller på mange av bada og rullegardiner for skjemming av innsyn frå vegen, samt varme frå sola.
5. På stova og nystova vert det nytta bord som er svært upraktiske for brukarar med rullestol og nokre av dei byrjar å gå i oppløysning. Stolane er slitt og det er behov for å byte ut desse.

Vurdering

Mykje av utstyret som vert brukt i dag på sjukeheimen er slitt og må erstattast. Med den nye omorganiseringa vert det lagt krav til kommunen om drift av ØHD- seng frå 01.01.2021, derfor er det behov for innkjøp av tilstrekkeleg utstyr for at den kan vere i bruk.

Folkehelse - gode legetenester og fysiske forhold for bebuarane på sjukeheimen betrar folkehelsa.



Fedje kommune

Miljø - Godt miljø betrar trivsel og bidrar til glede og god livskvalitet

Økonomi - – gode helsetenester er dyrt

Det vart innvilga kr.300 000,- til sjølve ombyggingsprosessen ved revidering av budsjettet i kommunestyremøte 17.06.2021. Når arbeidet er ferdig, vil det verte behov for inventar på dei rommane.

Følgjande møbler/inventar er det behov for ved sjukeheimen (prisar er berekna etter innhenting av moglege tilbod frå ulike leverandørar):

Rom	Utstyr	Pris
Brukarrom	5 seng 90x200cm, med ulike funksjonar, slitesterk, lett reingjering	100 000,-
	Rullegardin, lystett	3 000,-
	Hyller til bad brukarrom med oppheng	3 000,-
Stova/nystova	3 bord til 8 personar	25 000,-
	24 stolar, med inkontinenstrekk, slitesterk materiale	110 000,-
Medisinrom/lab	Heve-senk pult	5 000,-
	Kontorstol, ergonomisk	5 000,-
	Narkotikaskap med kodelås	10 000,-
	Hyller, skap til medisin og anna utstyr	8 000,-
ØHD-rom	1 seng 90x220 cm, med ulike funksjonar, slitesterk, lett reingjering, tålt vekt <200 kg	35 000,-
Møterom (lege, pleie og omsorg)	Lenestol	6 000,-
	Smartskjerm med oppheng (til overføring av møter, konferansar, undervisning)	20 000,-
	Skap til smittevernutstyr	20 000,-
Samanlagt sum		350 000,-

Konklusjon

Det er behov for innkjøp av møblar og utstyr for å kunne ta i bruk dei romma og for betre kvalitet av



Fedje kommune

til bebuarane på sjukeheimen. Det er ikkje budsjettett for dette i driftsbudsjett, og må reknast som investering og midlane bør takast frå fondsmidlar.

Forslag til vedtak:

Sjukeheimen får kr.350 000,- av fondsmidlar for å kunne gå til innkjøp av naudsynte møblar/inventar til brukarrelaterte rom, innreiing av ØHD-rommet og medisinrom/lab og møterom legar/pleie og omsorgsleiar.

Formannskapet - 082/21

F - behandling:

F - vedtak:

Sjukeheimen får kr. 350 000,- av fondsmidlar for å kunne gå til innkjøp av naudsynte møblar/inventar til brukarrelaterte rom, innreiing av ØHD-rommet og medisinrom/lab og møterom legar/pleie og omsorgsleiar.

Samrøystes vedteke.